

დადგენილება №სფ-0305-24
გაფრთხილების სახით ადმინისტრაციული სახდელის
დადების შესახებ

ქ. ხაშური

25 იანვარი, 2024 წ.

1. დადგენილების გამომტანი ორგანო (თანამდებობის პირი):

ადმინისტრაციული სამართალდარღვევის საქმის განმხილველი კომისიის თავმჯდომარე - მარიამ ფარეიშვილი

2. საქმის განხილვის თარიღი: 2024 წლის 25 იანვარი

3. ცნობები პირის შესახებ, რომლის მიმართ განიხილება საქმე:

გიორგი პაპასკირი

პირადი №62502013123;

აბონენტის №3810285791;

მცხოვრები: ქ. ხაშური, პროფტექ. ქ №64, ბინა №14

4. საქმის განხილვისას დადგინდა შემდეგი გარემოებები:

2024 წლის 23 იანვარს ქ. ხაშური, პროფტექ. ქ №64, ბინა №14 - ში რეგისტრირებული №3810285791 აბონენტის სერაპიონ პაპასკირის აღრიცხვის კვანძის შემოწმებისას, დაფიქსირდა აბონენტის შვილიშვილის - გიორგი პაპასკირის მხრიდან ელ. ენერჯის მიწოდების თვითნებურად აღდგენის ფაქტი. აღნიშნულის თაობაზე 23.01.2024 წელს ენერგოზედამხედველობის ქვეგანყოფილების უფროსის - ზურაბ ზედგინიძისა და ენერგოზედამხედველობის ქვეგანყოფილების სპეციალისტის - იოსებ მჭედლიძის მიერ შედგა აღრიცხვის კვანძის შემოწმება-მიღების აქტი №A1259794 და ხაშურის მ/ც-ის №2 უბნის მენეჯერის - ილია გელაშვილის მიერ - ადმინისტრაციული სამართალდარღვევის ოქმი ას №009850. კომისიამ გამოიკვლია წარმოდგენილი დოკუმენტაცია. როგორც გამოირკვა, №3810285791 აბონენტის სერაპიონ პაპასკირის სახელზე რეგისტრირებული მრიცხველი დავალიანების გამო გათიშული იყო ქსელიდან (გათიშვის ჩვენება 7346), ხოლო აღრიცხვის კვანძის შემოწმების მომენტში დაფიქსირდა ელ.ენერჯის მიწოდების თვითნებურად აღდგენისა და ელ.ენერჯის მოხმარების ფაქტი, რაც დადასტურდა მრიცხველის მომატებული ჩვენებით (7523). აღნიშნული ქმედება სემეკის 28.06.21 №19 დადგენილებით დამტკიცებული "ელექტროენერჯის გამანაწილებელი ქსელის წესების" 33-ე მუხლის შესაბამისად, ითვლება ადმინისტრაციულ სამართალდარღვევად. გიორგი პაპასკირს ადგილზე გადაეცა და გაეცნო ადმინისტრაციული სამართალდარღვევის ოქმი, რაც დასტირდება ოქმზე მისი ხელმოწერით. იგი დაეთანხმა ოქმის შინაარსს და წერილობით განმარტა, რომ მსგავსი ფაქტი აღარ განმეორდება.

გიორგი პაპასკირის მიერ ელ.ენერჯის უკანონო მოხმარება (სამართალდარღვევა) წარმოადგენს პირველ შემთხვევას, რაც დასტურდება საქმეში წარმოდგენილი შსს საინფორმაციო-ანალიტიკური დეპარტამენტის საინფორმაციო ცენტრის მიერ 2024 წლის 24 იანვარს ელექტრონულად გამოგზავნილი

სს “ენერგო-პრო ჯორჯია”

ინფორმაციით. საქმეში, ასევე, წარმოდგენილია 23.01.2024 წლის №A1259794 აღრიცხვის კვანძის შემოწმება-მიღების აქტი, ასევე, არსებობს ფოტომასალა, რომლითაც დასტურდება გიორგი პაპასკირის მიერ ელ.ენერჯის მოხმარებისა და აღრიცხვის წესების დარღვევა. ამასთან, ფაქტია, რომ ელ.ენერჯის თვითნებურად აღდგენა მხოლოდ ელ.ენერჯის მოხმარებლის ინტერესში შედის. გ. პაპასკირს კანონით დადგენილი წესით ჩაბარდა უწყება და ეცნობა სხდომის ჩატარების დროისა და ადგილის თაობაზე, თუმცა, არ გამოცხადდა. სხდომაზე გამოუცხადებლობის საპატიო მიზეზებისა თუ გადადების თაობაზე მას არანაირი განცხადებით კომისიისთვის არ მოუმართავს. ამდენად, კომისია მისი დასწრების გარეშე უფლებამოსილია განიხილოს და მიიღოს გადაწყვეტილება ზემოაღნიშნულ საკითხზე. ადმინისტრაციულ სამართალდარღვევათა კოდექსის 236-ე მუხლის თანახმად, ადმინისტრაციული სამართალდარღვევის საქმეზე მტკიცებულებას წარმოადგენს ყველა ფაქტობრივი მონაცემი, რომელთა საფუძველზეც დგინდება სამართალდარღვევის არსებობა/არ არსებობა, თუ პირის ბრალეულობა მის ჩადენაში. ამდენად, საკმარისი მტკიცებულებებია წარმოდგენილი (სამართალდარღვევის ოქმი; აღრიცხვის კვანძის შემოწმება-მიღების აქტი; შსს საინფორმაციო-ანალიტიკური დეპარტამენტის საინფორმაციო ცენტრის ინფორმაცია; საქმის განხილვის დროისა და ადგილის თაობაზე ჩაბარების დადასტურება), რომელთა მეშვეობითაც დგინდება გიორგი პაპასკირის (პირადი №62502013123) მიერ ადმინისტრაციულ სამართალდარღვევათა კოდექსის 96¹ მუხლის 1-ლი ნაწილით გათვალისწინებული სამართალდარღვევის ჩადენის ფაქტი, ელ.ენერჯის მოხმარება აღრიცხვის წესების დარღვევით. სამართალდარღვევის ოქმი შედგენილია ა.ს.კ 240-ე მუხლის მოთხოვნათა დაცვით. დაცულია ადმინისტრაციული სამართალდარღვევათა კოდექსის 38-ე მუხლის 1-ლი ნაწილით დადგენილი ადმინისტრაციული სახდელის დადების სამთვიანი ვადა.

5. ზემოაღნიშნულის საფუძველზე, ვიხელმძღვანელებ რა საქართველოს ადმინისტრაციულ სამართალდარღვევათა კოდექსის 96¹ მუხლის 1-ლი ნაწილით; მე-10; 38-ე; 236-ე; 240-ე; 228²-ე, 267-ე; 271-ე; 273-ე მუხლებით; სემეკის 28.06.21 წლის №19 დადგენილებით; ს/ს „ენერგო-პრო ჯორჯიას“ დირექტორთა საბჭოს თავმჯდომარის 29.06.2022 წლის № EPG RU2022007 წესითა და 25.12.2023 წლის №EPG OR 2023054 ბრძანებით

დავადგინე:

6. გიორგი პაპასკირი (პირადი №62502013123) ცნობილ იქნეს ადმინისტრაციულ სამართალდარღვევად ა.ს.კ-ის 96¹ მუხლის 1-ლი ნაწილით გათვალისწინებული სამართალდარღვევისათვის და დაედოს ადმინისტრაციული სახდელი – გაფრთხილების სახით.

7. მასვე განემართოს, რომ იგივე ქმედება ჩადენილი განმეორებით, გამოიწვევს ფიზიკური პირის დაჯარიმებას 100 ლარის ოდენობით, ხოლო იურიდიული პირის დაჯარიმებას - 15000 ლარის ოდენობით.

8. სპეციალური საექსპერტო დაწესებულებისა (ექსპერტისა) და თარჯიმნისათვის ასანაზღაურებელი მომსახურების ხარჯების კომპენსაციის საკითხი: -----

9. დადგენილება შეიძლება გასაჩივრდეს მისი ჩაბარებიდან/საჯარო გამოცხადების გზით ჩაბარებულად ჩათვლიდან 10 დღის ვადაში საქართველოს ენერგეტიკისა და წყალმომარაგების მარეგულირებელ ეროვნულ კომისიაში (მის: ქ. თბილისი, მიცკევიჩის ქ. №19).

უფლებამოსილი პირის ხელმოწერა:

მარიამ ფარეიშვილი

კომისიის თავმჯდომარე

